

الدليل الشامل للمرشدين بمبادرة "رشد"

مقدمة: ليش خبرتك بتفرق؟

أهلاً وسهلاً فيك بـ "رشد"، مبادرة تطوعية غير ربحية هدفها الأساسي نسد الفجوة بين اللي مندرسه بالجامعة وبين شو بيطلبه سوق العمل.

نحننا مؤمنين إنو أحسن طريقة نحقق هالشئ هي إنو الجيل اللي قبلكم يساعد الجيل اللي بعده بعطائه وخبرته، وهيك منعزل دورة مستدامة من العطاء.

رؤيتنا إنو نكوّن مجتمع علمي متكافل، العلم والخبرة يمشوا من جيل لجيل بروح تعاون ومحبة. وبمشاركتك، إنت بتصير جزء أساسي من هالرحلة.

استراتيجية الإرشاد: شغل فرق حقيقي

بـ "رشد" ما منشتغل بشكل فردي، بل منمشي على أسلوب فرق ييشبه بيئة العمل الحقيقية:

- **إرشاد قائم على الفرق:** كل مرشد بيشرّف على فريق صغير (3-5 متدربين). هيك منعلمهم شغل التيم وقيادة المشاريع.
- **مشاريع عملية:** الأساس هو الشغل على مشروع من الصفر للنشر. دورك إنك توجه الفريق وتساعدهم يتخطوا مراحل المشروع خطوة بخطوة.
- **محاكاة بيئة عمل:** المتدربين رح يتعرّضوا لجو عمل حقيقي: Agile, Gitflow، والتعامل مع المشاكل الحقيقية.

دور المرشد والتوقعات

وجودك كمرشد هو حجر الأساس لنجاحنا. شو محتاج منك:

- **اللقاءات:** مرة كل أسبوع أو أسبوعين (ساعة تقريباً). اللقاء ممكن يكون لمراجعة الكود، نقاش مفتوح، أو متابعة تقدّم المشروع.

- **مسؤولياتك الرئيسية:**

- توجيه تقني: تساعدهم باختيار تقنيات وطول للمشاكل.
- مراجعة كود: تعمل Code Review وتعلمهم كيف يكتبوا Clean Code.
- خبرة مهنية: تشاركهم تجاربك ونصائحك للتحضير للمقابلات والشغل.
- مهارات شخصية: تساعدهم يحلوا النزاعات ويتطوروا كقادة تقنيين.

خارطة طريق للمتدربين (3 سنين)

- **السنة الأولى - التلميذ:**

يبنى أساس قوي..

المهارات: Full-Stack, SQL, Git, Agile, Deployment, Cybersecurity.

- **السنة الثانية - البناء/المرشد:**

يتخصص بمسار (Backend/Frontend/Mobile) ويصير يرشد غيره.

المهارات: Microservices, GraphQL, React/Vue, Flutter/React Native.

- **السنة الثالثة - القائد:**

يصير قائد يركز على System Design وقيادة الفرق.

المهارات: Distributed Systems, Leadership, Open Source.

شو بتستفيد إنت كمرشد؟

العطاء برشد ماشي باتجاهين:

- **تطوير قيادي:** تجربة ممتازة لتقوِّي مهاراتك بالإرشاد والقيادة.
- **رد الجميل:** فرصة تترك بصمة وتبني جيل جديد من المطورين.
- **شبكة علاقات:** تتعرف على محترفين مثلك وعلى مواهب شبابية واعدة.